

SCORZONERA LACERA Boiss. et Balansa. (Sect. *Euscorzoneræ*.)

Sc. perennis parcissimè farinosa demùm glabra viridis, radice verticali cylindricâ, caule tereti infernè tantùm folioso simplici erecto monocephalo vel basi ramos arcuatos monocephalos edenti, foliis radicalibus vel inferioribus pinnatipartitis laciniis longis lineari-lanceolatis patentibus acutis integris vel basi denticulatis rachide plùs minùs latâ lacinulis minutis inter lacinias auctâ, folio superiori sæpiùs unico angustiori basi tantùm pinnatifido, capitulis longè pedunculatis sub anthesi cylindricis, involucri glabri phyllis paucis ab infimis ovatis breviter acuminatis ad superiora lanceolata acuta sensim auctis, flosculis roseis involucrio subduplò longioribus, acheniis abbreviatis supernè parùm angustatis transversè echinulatis pappo niveo eis æquilongo superatis.

Hab. ad *Bouloukli* circâ *Mersina* Ciliciæ littoralis cl. Balansa.

Planta pedalis vel sesquipedalis, folia 4-5 pollices longa laciniis sæpè pollicem vel sesquipollicem longis. Squamæ involucri fructiferi interiores pollicem longæ, achenia 4 lineas tantùm longa. Species inter purpureas affinis soli *S. incisæ* formâ foliorum, involucrique squamis abbreviatis obtusis, acheniis brevibus eximie distinctæ.

TRAGOPOGON SAMARITANI Heldr. et Sartori.

Tr. radice verticali fibrillosâ, collo inter vaginas foliorum inferiorum densè confertorum lanato, caule tenui erecto simplici vel semel bisve sæpè propè basin furcato, foliis radicalibus et inferioribus infernè subdilatatis valdè lanatis supernè glabris angustissimè linearibus, caulinis sparsis similibus abbreviatis basi sæpè evidentiùs dilatatis, pedunculis etiam fructiferis vix incrassatis, anthodii glaberrimi phyllis quinque lanceolatis corollam subsuperantibus pappo subbrevioribus, flosculis paucis flavescentibus, acheniis marginalibus infernè læviusculis supernè muriculatis obtusangulis in rostrum sensim attenuatis.

Hab. in regione superiori montis *Parnassi* Guicciardi ex Heldreich, in regione mediâ m ontis *Parnes* Atticæ Heldr.

Caulis $\frac{1}{2}$ -1 pedalis tenuis, folia inferiora vix lineæ $\frac{1}{4}$ lata. Ha-

bitus omninò et capitula *Tr. crocifolii* quod differt foliis infernè vix lanatis caulinis basi magis dilatatis, flosculis in capitulo majori numerosioribus violaceis, acheniis abruptè in rostrum attenuatis acutangulis a basi muricatis.

LEONTODON MASMENÆUM Boiss. et Bal. (Sect. *Asterotheca*.)

L. perenne totum setis albis patulis apice breviter glochidiatis asperum, radice crassâ verticali, foliis omnibus radicalibus lanceolatis pinnatifidis dentibus abbreviatis undulatis, caulibus pluribus humilibus monocephalis scapiformibus 1–3 foliolis setaceis obsitis, involucri squamis imbricatis ab inferioribus brevibus subpatulis carinâ et margine pectinato-ciliatis ad interiores carinâ tantùm parcè ciliatas sensim elongatis, flosculis intensè luteis, acheniis brevibus albidis scabridulis supernè vix attenuatis pappo sordido albo eis æquilongo superatis.

Hab. in regione superiori montis *Masmeneudagh* Tauri Cilicici cl. Balansa. Fl. Augusto.

Species propè *L. asperrimum* — *Asteroth. asperrimam* Cass. collocanda, ab eo distincta indumenti setis brevissimè glochidiatis nec subfurcatis, scapis 2–3 pollicaribus, involucri phyllis magis asperis acutioribus et præsertim acheniis 5 lineas tantùm longis apice subattenuatis nec manifestè rostratis. Habitus potiùs diversissimi *L. Hispanici* Mérat.

HIERACIUM REINHOLDII Heldr. et Sartori. (Sect. *Aphyllopoda*?)

H. caule infernè striato rubello pilis longis rigidiusculis patulo-deflexis hirsuto supernè acutè angulato virgato pilis sparsis asperulo rariùs subsimplici sæpiùs jam infrâ medium ramos numerosos strictos virgatos acutangulos edenti, foliis caulinis inferioribus radicalibusque oblongo-lanceolatis acutis in petiolum patulè hirsutum brevem basi attenuatis grossè et remotè dentatis vel basi pinnatifidis, foliis caulinis superioribus rameisque parvis sessilibus strictis lanceolatis obsoletè 1–2 denticulatis integrisve omnibus parcè hirtulo-asperulis, capitulis ad extremitatem ramorum 3–5 dichotomè paniculatis, pedunculis strictis sub capitulo præsertim minutè squamulosis capitulo plerumque pluries longioribus, capitulis minutis,